

Егор Алексеевич Макаров

Кулунчук

Аҕам – сылгыһыт. Кини биирдэ кыһын буурҕалаах түүн бөрөлөр тарпыт биэлэрин оҕотун, уһун атахтардаах, дэйбиирдии кутуруктаах үүт манан кулунчугу, эргэ суорҕанна суулаан, сыарҕаҕа тизээн аҕалбыта.

- Дьэ, өлүү, доҕоор, - аҕам абарар-сатарар, - бөлүүн бөрөлөр хас да сылгыны тарпыттар. Били бастын биэбитин Буурҕа барахсаны эмиэ. Барахсан тынатын күүгэнэ баранан ситтэрдэҕэ. Кулунчуга эрэйдээх харыйа быһыгар тахсан турарын булан киллэрдибит.

Кулунчук күөх окко хамсаабакка сытан баран, киэһэлик тураары үнүөхтээтэ. Мин кини аттыттан араһыбаппын. Кулунчук куобах курдук чөрөгөр кулгаахтара уонна кистээн дырылатара миигин дыктиргэтэллэр. Аҕам сарсыарда үлэтигэр бараары туран, күнүоттаныар диэри кулунчугу хотон иһигэр оҕолуурга эттэ.

Күн аайы кыбыыттан хаста да түүтээхтэн от киллэрэн биэрэбин, кыл ыаҕайаттан уулатабын.

Күн уота үөһэ ойуута кулунчук аан маннай кыбыыга таҕыста. Кини таһырдыа сырдыгыттан, ырааһыттан, киэниттэн үөрбүттүү кистээн дырылатта, онтон бүтэйи кэрийэ сиэлэн тэкэйдэ.

Мин кулунчукпунуун сайыны быһа бодуустастым. Кини миигин иччи оностон батыһа сылдыар. Кулунчугу ийэтин Буурҕаны утумнаабыт, быһый атахтаах, тардылаах бөҕө ат буолуо диэн дьылҕалыыллар.